

- 3) ako prestanu postojati neki od uvjeta na temelju kojih je posebno odobrenje dato.

Članak 16.

Ovaj pravilnik stupa na snagu osmoga dana od dana objavljivanja u "Službenim novinama FBiH".

Broj 02/1-02-1-89

29. listopada 2002. godine
Sarajevo

Ministar
dr. Ramo Masleša, v. r.

Na osnovu člana 21. Zakona o agencijama za zaštitu ljudi i imovine "Službene novine Federacije BiH" broj 50/02), federalni ministar unutrašnjih poslova, donosi

PRAVILNIK

O UVJETIMA OBAVLJANJA POSLOVA PRATNJE I OSIGURANJA NOVCA, VRIJEDNOSNIH PAPIRA I DRAGOCJENIH KOVINA I METALA TE NAČINU IZDAVANJA I ODUZIMANJA POSEBNOG ODOBRENJA ZA OBAVLJANJE TIH POSLOVA

Član 1.

Agencija koja obavlja poslove fizičke i tehničke zaštite ili pravno lice koje ima službu unutrašnje zaštite smije obavljati poslove pratnje i osiguranja novca, vrijednosnih papira i dragocjenih kovina i metala, u skladu sa članom 21. Zakona o agencijama za zaštitu ljudi i imovine (u daljem tekstu: Zakon), samo na osnovu posebnog odobrenja Federalnog ministarstva unutrašnjih poslova (u daljem tekstu: Federalno ministarstvo).

Član 2.

Za obavljanje poslova iz člana 1. ovoga pravilnika, agencija, odnosno služba unutrašnje zaštite mora posjedovati najmanje jedno vozilo izvedeno i opremljeno na način propisan ovim pravilnikom (u daljem tekstu: oklopljeno vozilo).

Član 3.

Oklopljeno vozilo mora biti izvedeno tako da nivo zaštite odgovara tehničkim zahtjevima koji su utvrđeni ISSO standardima i priznatim pravilima tehničke prakse.

Član 4.

Unutar oklopljenog vozila moraju postojati najmanje dva odvojena prostora (prostor za vozača i pratioca te prostor za teret).

Pregrade koje odvajaju prostore u oklopljenom vozilu moraju biti izvedene u istom nivou zaštite, kao i oklopljeno vozilo.

Član 5.

Oklopljeno vozilo mora biti opremljeno:

- 1) sistemom tehničke zaštite koji sprečava neovlašteni ulazak u oklopljeno vozilo, otkriva, bilježi i dojavljuje pokušaj neovlaštenog ili nasilnog ulaska u oklopljeno vozilo,
- 2) telekomunikacijskim sistemima, i to:
 - a) radiotelefonom (sistem javne telekomunikacije) i
 - b) sistemom mobilne i prijenosne radioveze (sistem telekomunikacije za vlastite potrebe).
- 3) sredstvima za gašenje požara, u skladu s propisima koji se odnose na zaštitu od požara.

Član 6.

Posadu oklopljenog vozila čine vozač i najmanje jedan pratilac.

Svi članovi posade oklopljenog vozila moraju biti čuvari, odnosno moraju imati certifikat za obavljanje poslova fizičke zaštite.

Pri obavljanju poslova iz člana 1. ovoga pravilnika, svi članovi posade oklopljenog vozila moraju biti naoružani vatrenim oružjem koje je predviđeno Zakonom.

Član 7.

Kada se novac, vrijednosni papiri, dragocene kovine i metali prenose pješice, poslove pratnje i osiguranja obavlja najmanje jedan čuvar.

Lice koje pješice prenosi novac, vrijednosne papire, dragocene kovine i metale (u daljem tekstu: kurir) ne mora biti čuvar.

Član 8.

Prilikom prijenosa novca, vrijednosnih papira, dragocene kovine i metala kuriri koriste sistem tehničke zaštite.

Sistemom tehničke zaštite, u smislu stava 1. ovog člana, podrazumijeva se spremnik za prijenos predmeta iz stava 1. ovoga člana, koji je izveden tako da konstrukcijom sprečava nasilno otvaranje i otuđenje sadržaja, a pokušaj nasilnog otvaranja dojavljuje zvučnim, svjetlosnim ili drugim tehničkim signalom.

Član 9.

Spremnik u kojem se prenosi novac, vrijednosni papiri i dragocene kovine i metali ne smiju biti mehanički vezani za kurira.

Ukupna težina spremnika iz stava 1. ovoga člana i predmeta koji se u njemu prenose ne smije biti veća od 15 kg.

Kurir smije nositi samo jedan spremnik.

Član 10.

Prilikom obavljanja poslova pratnje i osiguravanja novca, vrijednosnih papira, dragocene kovine i metala koje prenosi kurir, čuvar je naoružan propisanom vrstom vatrene oružja i opremljen radiotelefonom (sistemom javne komunikacije) ili sistemom prijenosne radioveze (sistemom telekomunikacije za vlastite potrebe).

Član 11.

Zahtjev za izdavanje posebnog odobrenja za obavljanje poslova iz člana 1. ovoga pravilnika, podnosi se Federalnom ministarstvu.

Uz zahtjev iz stava 1. ovoga člana prilaže se:

- 1) odobrenje za rad ovlaštene agencije (član 10. stav 3. Zakona) odnosno saglasnost na akt o organiziranju unutrašnje službe zaštite (član 34. stav 2. Zakona);
- 2) dokaz o posjedovanju oklopljenih vozila, propisanog nivoa zaštite predviđen ovim pravilnikom;
- 3) dokaz o posjedovanju propisanih sredstava za gašenje požara, odgovarajućeg kvaliteta;
- 4) dokaz o posjedovanju propisanog sistema javne telekomunikacije i
- 5) odobrenje nadležnog ministarstva za komunikacije o planu telekomunikacija za vlastite potrebe i dodjeli frekvencija za UKV radijsku mrežu.

Član 12.

Federalni ministar unutrašnjih poslova imenuje komisiju koja utvrđuje postojanje uvjeta propisanih u članu 11. ovoga pravilnika.

Komisija iz stava 1. ovoga člana sastoji se od dva zaposlenika Federalnog ministarstva i eksperata tehničke struke.

Član 13.

Komisija iz člana 12. ovoga pravilnika, na osnovu priloženih pisanih dokaza i neposrednim uviđajem, odnosno uvidom u tehničku opremljenost, utvrđuje ispunjavanje uvjeta propisanih ovim pravilnikom.

Član 14.

Federalno ministarstvo vodi evidenciju pravnih lica kojima je dato posebno odobrenje iz člana 1. ovoga pravilnika.

Ovlašteno pravno lice, kojem je dato posebno odobrenje iz člana 1. ovoga pravilnika, vodi evidenciju o svim poslovima obavljenim na osnovu posebnog odobrenja.

Član 15.

Federalno ministarstvo rješenjem će oduzeti posebno odobrenje iz člana 1. ovoga pravilnika, u sljedećim slučajevima:

- 1) ako se utvrdi da su u obavljanju poslova pratnje i osiguranja novca, vrijednosnih papira, dragocene kovine i metala učinjeni teži propusti u poštivanju Zakona i ovog pravilnika,
- 2) ako ovlaštena agencija, odnosno unutrašnje službe zaštite prestane obavljati djelatnost fizičke zaštite,
- 3) ako prestanu postojati neki od uvjeta na osnovu kojih je posebno odobrenje dato.

Član 16.

Ovaj pravilnik stupa na snagu osmoga dana od dana objavljivanja u "Službenim novinama Federacije BiH".

Broj 02/1-02-1-89

29. oktobra 2002. godine

Sarajevo

Ministar

dr. Ramo Masleša, s. r.

678

Na temelju članka 20. stavak 6. Zakona o agencijama za zaštitu ljudi i imovine "Službene novine Federacije BiH", broj 50/02), federalni ministar unutarnjih poslova donosi,

PRAVILNIK

O UPORABI FIZIČKE SILE I VATRENOG ORUŽJA PRI OBAVLJANJU POSLOVA FIZIČKE ZAŠTITE LJUDI I IMOVINE

I - OPĆA ODREDBA

Članak 1.

Ovim pravilnikom utvrđuje se način i uvjeti koji će se poštovati od strane osoba koje su u agencijama za zaštitu ljudi i imovine ili u pravnim osobama koje su organizirale unutarnju službu zaštite, angažirani na poslovima fizičke zaštite kada je uporaba fizičke sile i vatrenog oružja neophodna pri vršenju njihovih službenih dužnosti i jasno određuje stupanj fizičke sile koji se može koristiti pri obavljanju tih poslova.

II - UPORABA FIZIČKE SILE

Članak 2.

Obujam i način uporabe fizičke sile čuvara biti će proporcionalni eskalaciji otpora ili nasilnih radnji osoba prema čuvaru.

Osobe koje obavljaju poslove fizičke zaštite u agencijama za zaštitu ljudi i imovine i pravnim osobama koje su registrirane kao unutarnja služba zaštite (u daljnjem tekstu: čuvari) koristit će silu samo kada je to nužno, a i tada neće koristiti više sile nego što je potrebno da bi se ostvarili ciljevi provođenja zakona.

Članak 3.

Čuvari će koristiti fizičku silu u slučaju postojanja opasnosti po opću sigurnost, odnosno radi sprečavanja i otkrivanja štetnih pojava i protupravnih radnji koje mogu nanijeti štete imovini, odnosno koje mogu narušiti život ili tijelo osoba koje se štite, a posebno prilikom fizičke zaštite novčanih trezora, praćenja i osiguranja prijevoza novca, vrijednosnih papira i dragocijenih kovina i metala, skladišta radioaktivnih materija, nuklearnog goriva i otpadaka opasnih za ljude i čovjekov okoliš i drugih štetnih materija i drugih vrijednosti zaštićenih odredbama Kaznenog zakona Federacije Bosne i Hercegovine i od posebne društvene vrijednosti, samo kada druge metode ne mogu dati zahtijevani rezultat i do razmjera koje su nužne za postizanje cilja ili dok ne bude jasno da se cilj ne može postići.

Čuvari će koristiti samo onaj stupanj sile koji je neophodan za savladavanje prijetnji nasiljem koje su usmjerene na njega, drugog čuvara ili nekog drugog građanina u prostoru za koji je zadužen.

Članak 4.

U fizičku silu, prema ovom pravilniku, spadaju sljedeće radnje:

- 1) Otpor, u smislu ovog pravilnika, podrazumijeva svako suprotstavljanje zakonitom naređenju čuvara izdatom radi osiguranja obavljanja poslova zaštite. Otpor može biti aktivan i pasivan:
 - a) "aktivan otpor" postoji kada osoba pruža otpor uporabom oružja, oruđa, drugih predmeta ili fizičke snage (otima se, hrve se, gura, zaklanja se raznim predmetima) i na taj način onemogućuje čuvara u obavljanju službenog zadatka. Kao aktivan otpor smatra se podsticanje drugih osoba na otpor.
 - b) "pasivan otpor" postoji kada se osoba ogлуši o poziv ili zakonito naređenje čuvara, ili se stavi u takav položaj (legne, sjedne, uhvati se za neki predmet i sl.) kojim onemogućuje obavljanje službene radnje.
- 2) "opravdana sila" predstavlja radnju čuvara, koja je razumna, nužna i proporcionalna stupnju otpora osobe i opravdava potrebu provođenja zakona na kontroliranju radnji jedne osobe.
- 3) "napad" podrazumijeva svaki neposredan napad kojim se ugrožava život čuvara radi odbijanja opasnosti kojom je ugrožena imovina, odnosno koji predstavlja prijetnju narušavanja života ili tijela osoba koje se štite, te druge vrijednosti ili stvari zaštićene odredbama Kaznenog zakona Federacije Bosne i Hercegovine.
- 4) "čuvar" uključuje sve osobe koje vrše poslove fizičke zaštite na temelju certifikata za obavljanje poslova fizičke zaštite i koja imaju zasnovan radni odnos s agencijom za obavljanje poslova fizičke zaštite ili poslova unutarnje službe zaštite.
- 5) "osoba" u smislu ovog pravilnika uključuje sve osobe bez obzira na njihovo državljanstvo, etničku pripadnost, spol, uzrast, religiozna vjerovanja ili socijalni status, koje su u kontaktu s čuvarima.

Članak 5.

Dužnost je čuvara da pokuša ublažiti napete situacije kada je to taktički moguće. Ukoliko čuvar koji zbog ljutnje, arogancije, osobnog uplita, predrasuda, mržnje ili straha doprinese da se pogorša situacija zbog čega je nužna uporaba većeg stupnja sile, nego što bi to bilo neophodno, onda će taj čuvar snositi odgovornost za nastale posljedice.

Članak 6.

Opravdana se sila može uporabiti radi:

- 1) zaustavljanja potencijalne opasnosti po život ili uništenje, odnosno otuđenje imovine koja se štiti,
- 2) zaštite čuvara ili druge osobe u prostoru koju štiti od povrede ili smrti i
- 3) poduzimanja mjera prema osobi koja pruža otpor za vrijeme obavljanja zakonskog uhićenja.

Članak 7.

Čuvar će voditi računa da se ispune sljedeći uvjeti u slučaju opravdanog korištenja sile.

- 1) uporabljena fizička sila mora biti primjerena ozbiljnosti opasnosti i mora opravdati ciljeve koji se žele postići,
- 2) uporabljena sila će biti minimalna kako bi se sačuvao ljudski život,
- 3) medicinska pomoć bit će pružena svim povrijeđenim osobama što je prije moguće i
- 4) obitelj ili bliski prijatelji povrijeđene osobe bit će obaviješteni.